


Broj: 03-017-2700/2021  
Dana; 24.02.2021. godine

SKUPŠTINA UNSKO-SANSKOG KANTONA



**PREDMET:** Informacija o stanju nasilja u porodici na području Unsko-sanskog kantona za 2020. godinu, dostavlja se

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Informaciju o stanju nasilja u porodici na području Unsko-sanskog kantona za 2020. godini, uz sljedeće:

#### O b r a z l o ž e n j e

Vlada Unsko-sanskog kantona je svojoj 219. sjednici održanoj dana 24.02.2021. godine razmatrala i Zaključkom broj: 03-017-2700/202, primila na znanje Informaciju o stanju nasilja u porodici na području Unsko-sanskog kantona za 2020. godinu, obrađivača Ministarstva unutrašnjih poslova, koja vam se upućuje na razmatranje.

S poštovanjem,

Prilog: Informaciju o stanju nasilja u porodici na području Unsko-sanskog kantona za 2020. godinu (6x)

Dostavljeno:  
1.Naslovu  
2.a/a (2x)





Na osnovu člana 16. Zakona o Vladi Unsko-sanskog kantona ("Službeni glasnik Unsko-sanskog kantona", broj: 5/08), na prijedlog Ministarstva unutrašnjih poslova, Vlada Unsko-sanskog kantona na sjednici održanoj dana 24.02.2021.godine, d o n o s i :

## ZAKLJUČAK

### I

Prima se na znanje Informacija o stanju nasilja u porodici na području Unsko-sanskog kantona za 2020. godinu i upućuje se Skupštini Unsko-sanskog kantona na razmatranje.

### II


Ovaj Zaključak stupa na snagu danom donošenja.

Broj: 03-017-2700/2021  
Bihać, 24.02.2021. godine

PREMIJER KANTONA  
mr.sci. Mustafa Ružnić



**BOSNA I HERCEGOVINA  
FEDERACIJA BOSNE I  
HERCEGOVINE  
UNSKO-SANSKI KANTON  
MINISTARSTVO UNUTRAŠNJIH  
POSLOVA**



**BOSNIA AND HERZEGOVINA  
FEDERATION OF BOSNIA AND  
HERZEGOVINA  
THE UNA-SANA CANTON  
MINISTRY OF THE INTERIOR**

**UPRAVA POLICIJE**

**Broj: 05-04/041-04-30/20**

**Dana: 15.02.2021.godine**

# **INFORMACIJA**

**O STANJU NASILJA U PORODICI  
NA PODRUČJU UNSKO-SANSKOG KANTONA  
U 2020.GODINI**

**Bihać, februar 2021. godine**

## SADRŽAJ

<b>I UVOD .....</b>	<b>3</b>
<b>A – Opća zapažanja o nasilju u porodici .....</b>	<b>4</b>
<b>II STANJE NASILJA U PORODICI .....</b>	<b>4</b>
<b>A – Stanje u 2020.godini .....</b>	<b>4</b>
<b>III OCJENA STANJA .....</b>	<b>7</b>
<b>A – Osnovna ocjena .....</b>	<b>7</b>
<b>B – Rezime .....</b>	<b>8</b>
<b>C – Prijedlog mjera .....</b>	<b>9</b>

## I UVOD

Izradom Informacije o stanju nasilja u porodici na području Unsko-sanskog kantona, Uprava policije Ministarstva unutrašnjih poslova nastavlja kontinuitet i praksu da se problematika ove vrste nasilja detaljnije obradi. Mjesečni i periodični podaci vezani za nasilje u porodici prikazuju se u izvještajima o radu Uprave policije MUP-a USK.

Nasilje u porodici predstavlja ozbiljnu sigurnosnu pojavu čije posljedice trpi čitavo društvo, za čije je rješavanje pored policije koja se uglavnom bavi posljedicama, za adekvatan pristup potrebno angažirati i druge institucije i stručnjake različitih specijalnosti.

Izloženost žena, kao najbrojnijih žrtava, ima duboke korijene u patrijarhalnoj strukturi društva i tradicionalnoj podjeli spolova. Promjene u javnom životu poput rata, neimaštine, gubljenja zaposlenja u značajnoj mjeri utiču na odnose među ljudima i pogoduju nasilju kako u porodici, tako i izvan nje.

Nepobitna je činjenica da većina žrtava (posebno žena) ne prijavljuje nasilje u porodici, jer po svaku cijenu žele sačuvati porodicu i spremne su žrtvovati sve za nju, bilo zbog tradicionalnog shvatanja porodice ili zbog neizvjesnosti oko podizanja i odgajanja djece, nedostatka finansijskih sredstava i dr.

Nasilje u porodici događa se u cijelom svijetu, gdje prouzrokuje duševne i tjelesne tegobe, uništava porodicu tako da se ne može i ne smije tolerisati.

U skladu sa Pravilnikom F MUP-a policijski službenici USK-a vrše unos podataka krivičnog dijela nasilja u porodici u Gender bazu kako bi svi podaci bili dostupni nadležnim sudovima i tužilaštvu, kao i nadležnim JU Centrima za socijalni rad.

Uprava policije Ministarstva unutrašnjih poslova Unsko-sanskog kantona je i u proteklom periodu ostvarilo zadovoljavajući nivo saradnje, kako sa centrima za socijalni rad, tako i sa pravosudnim organima, obrazovnim ustanovama, međunarodnim i drugim organizacijama i drugim institucijama kao i sa „Sigurnom kućom“ u Bihaću.

Posebno je značajan rad tzv. RPZ (Rad policije u zajednici) policajaca, koji su određeni za „rad policije u zajednici“, u koji je uključen i određeni broj žena policijskih službenica, kojima žene, kao najčešće žrtve nasilja „lakše“ povjeravaju probleme nasilja (na nivou Uprave policije MUP-a USK-a ukupno su zadužena 32 policijska službenika, od toga 8 policijskih službenica).

Također, značajan preventivni rad se ostvaruje kroz rad policijskih službenika Sektora kriminalističke policije Odsjeka za maloljetničku delikvenciju, seksualne delikte i nasilje u porodici, koji kroz praćenje stanja „Nasilje u porodici“ usmjeravaju prate rad policijskih službenika koji se bave ovom problematikom, te u ovoj oblasti ostvarena je saradnja sa vladinim i nevladinim sektorom, a policijski službenici se i dalje educiraju za rad u ovoj oblasti. Žrtve se sve više i češće odlučuju da prijave nasilje, ali su i dalje kod jednog dijela prisutne razne zablude, strah itd., što se može otkloniti proaktivnim djelovanjem policije.

Policijski službenici kroz razna edukativna predavanja, samostalno ili sa drugima, na seminarima, okruglim stolovima, kroz istupe u medijima i raznim saopćenjima za javnost na nivou općina, nastoje ojačati svijest žrtava da prijave nasilje, jer se iz straha od nasilnika, osude sredine, ekonomske ovisnosti, zabluda, ovo nasilje ne prijavljuje, čime se ono ponavlja i u nekim slučajevima postaje intezivnije.

Iz tog razloga „nasilje u porodici“ također spada u sivu brojku kriminaliteta jer se mnoga djela nasilja prikrivaju, prešućuju i mogu se otkriti samo proaktivnim radom policije u zajednici.

Saznanja ukazuju da je ipak svjesnost žrtava u porastu i da se sve češće odlučuju prijaviti nasilje.

## A - Opšte zapažanje o nasilju u porodici

Nasilje u porodici je ponašanje kojim član porodice ugrožava tjelesni integritet, duševno stanje ili spokojstvo drugog člana porodice. Pojavljuje se u raznim oblicima kao fizičko, seksualno, psihičko i emotivno, ekonomsko, duhovno itd. Kao žrtve pojavljuju se najčešće žene (supruge), a zatim, djeca, muškarci, stara i nejaka lica.

Pod pasivnim zlostavljanjem podrazumijeva se suptilan vid nasilja kao što su dvosmislenost, prebacivanje krivice, zapostavljanje i sl., koje se uglavnom teško uočava kao nasilje, a obično vodi i završi kao fizičko nasilje.

Na ovim područjima i pored toga što se rat završio prije više od 20 godina u mnogim porodicama postoje ljudi koji su prošli užase rata (logori, razna mučenja, gubljenja članova porodice itd.) što je ostavilo dugoročne traume, a kod nekih je prisutan i posttraumatski stres.

Siromaštvo, nemogućnost obezbjeđenja sredstava i boljih uslova za život, patrijahalni odgoj, alkoholizam i sl. također može dovesti do nasilja u nekim, naročito socijalno zapuštenim porodicama.

Pored toga što je kao relativno novi oblik kriminaliteta uvedeno 2003.godine (član 222 KZ FBiH) nasilje u porodici se vrši i kroz druge grupe krivičnih djela: protiv života i tijela (ubistvo, TTP, LTP) i protiv polne slobode i morala (silovanje, rodoskrvnuće, bludnje radnje), te protiv braka, porodice i mladeži (zapuštenje ili zlostavljanje djeteta i maloljentika i sl.). Žrtve su članovi porodice.

Potrebno je i dalje vršiti opremanje prostorija za rad sa žrtvama, koja su ponekad djeca. Na području kantona evidentan je i nedostatak adekvatnih prostora za sprovođenje zaštitnih mjera koje izriču sudovi, a pored Sigurne kuće u Bihaću ne postoji prostor na područjima drugih općina za smještaj muških žrtava i sl., mada su ovakve žrtve rijede.

Promatra li se ukupno nasilje za period 2012-2020.godina evidentno je da je „nasilje u porodici“ u porastu, naročito kada su u pitanju krivična djela iz člana 222. KZ FBiH.

TABELARNI PRIKAZ KD „NASILJA U PORODICI“  
2012 – 2020.godina

Godina	2012.g	2013.g	2014.g	2015.g	2016.g.	2017.g	2018.g	2019.g	2020.
KD	140	162	174	134	141	154	137	173	147
Ukupno	1.362								

## II STANJE NASILJA U PORODICI

### A – Stanje u 2020.godini

Organizacione jedinice Uprave policije su u 2020.godini evidentirale ukupno 147 krivičnih djela nasilja u porodici i 8 prekršaja iz Zakona o zaštiti od nasilja u porodici. U poređenju sa 2019.godinom broj krivičnih djela nasilja u porodici (173 KD) smanjen je za 26 krivičnih djela ili 15 % dok je smanjen i broj prekršaja (8) za 2 ili 20%. Kada se zbroje krivična djela i prekršaji po Zakonu o zaštiti nasilja u porodici (155) bilježimo smanjenje događaja za 28 što je za 15,3 % manje u odnosu na 2019.godinu.

**TABELARNI PREGLED UPOREDNIH PODATAKA O UKUPNOM NASILJU  
U PORODICI ZA 2019. I 2020.GODINU**

GODINA	BROJ KD	BROJ PREKRŠAJA	SVEGA
2020.	147	8	155
2019.	173	10	183
RAZLIKA + -	-26	-2	-28
RAZLIKA %	15%	20	15,3

Ukupno je prijavljeno 151 lice manje za 22 ili 12,7% od kojih je 55 povratnika, 1 maloljetnik i 95 ostalih počinioca.

Na području Unsko-sanskog kantona evidentirano je ukupno 171 žrtava nasilja u porodici (krivična djela nasilje u porodici i prekršaji), što je manje za 30 (ili 14,9 %) u odnosu na 2019.godinu. Nerijetko su žrtve djeca, što se odražava na psihu samog djeteta.

Najčešća vrsta nasilja je fizičko, zatim ostali slučajevi nasilja, psihičko, ekonomsko, a najrijeđe je seksualno nasilje.

Uzimajući u obzir i druga krivična djela u kojima se evidentiralo nasilje u porodici u 2020.godini, ukupno su nastupile posljedice kod 114 lica, što je manje za 36 lica (ili 24 %) u odnosu na 2019.godinu, 1 lice je smrtno stradalo, TTP je zadobilo 4 lica dok je LTP zadobilo 109 lica.


➤ **KRIVIČNA DJELA**

Na području Unsko-sanskog kantona evidentirano je ukupno 147 krivičnih djela iz člana 222. KZ F BiH (nasilje u porodici), što je za 26 (ili 15 %) manje u odnosu na 2019.godinu.

**UPOREDNI TABELARNI PREGLED BROJA KD NASILJE U PORODICI PO OPĆINAMA**

OPĆINA	2020.	2019.	RAZLIKA + -	RAZLIKA %
BIHAĆ	28	59	-31	52,5
B.PETROVAC	7	5	+2	40
CAZIN	35	32	+3	9,3
S.MOST	12	17	-5	29,4
KLJUČ	16	9	+7	77,7
V.KLADUŠA	27	44	-17	38,6
B.KRUPA	17	3	+14	100
BUŽIM	5	4	+1	25
<b>UKUPNO</b>	<b>147</b>	<b>173</b>	<b>-26</b>	<b>15</b>

Ova krivična djela najčešće se događaju na području grada Cazina (35), grada Bihaća (28), općine Velika Kladuša (27), Bosanske Krupe (17), općine Ključ (16), općine Sanski Most (12), općine Bosanskog Petrovca (7) i općine Bužim (5), što je vidljivo u slijedećem grafičkom prikazu



Kada uporedimo stanje broja krivičnih djela nasilja u porodici po općinama može se zaključiti da je do povećanja krivičnih djela došlo na području općine Bosanske Krupe (14), Ključa (7), grada Cazina (3), Bos. Petrovca (1), općine Bužima (1), dok je do smanjenja došlo u gradu Bihaću (za 31), Velike Kladuše (17), općina Sanski Most (za 5).

Za ova evidentirana krivična djela prijavljeno je 151 lice, manje za 33 ili 17,9%, među kojima su 55 povratnika manje za 30 ili 54%, 1 maloljetnik i 95 ostalih počinioca ovog KD.

Broj KD-a „Nasilje u porodici“ u odnosu na 2019.godinu je smanjen je za 26 ili 15 %.

Pored navedenog, nasilje u porodici, kako je već navedeno, u ovoj informaciji analizirana su i krivična djela KZ F BiH iz grupe KD-a protiv života i tijela, grupa KD-a protiv spolne slobode i morala i grupa KD-a protiv braka, porodice i mladeži).

U 2020.godini evidentirano je ukupno 255 (manje za 32 ili 11 %) krivičnih djela iz navedenih grupa i to iz grupe krivičnih djela protiv života i tijela evidentirano je 79 krivičnih djela manje za 7 ili 8,%, KD protiv spolne slobode i morala evidentirana su 15 KD-a manje za 4 ili 21%, KD protiv braka, porodice i mladeži evidentirano je 161 KD-o manje za 21 ili 11,5% krivičnih djela.

TABELARNI PREGLED BROJA OSTALIH KD SA ELEMENTIMA NASILJA U PORODICI (2012-2020)

NAZIV GRUPE KD	GODINA									
	2012	2013	2014	2015	2016	2017	2018	2019	2020	
KD protiv života i tijela	54	72	108	28	4	105	105	86	79	
KD protiv spolne slobode i morala	3	11	6	0	0	16	16	19	15	
KD protiv braka, porodice i mladeži	168	177	190	138	156	162	162	182	161	
UKUPNO	225	250	304	166	160	283	283	287	255	



## ➤ PREKRŠAJI U SKLADU SA ZAKONOM O ZAŠTITI OD NASILJA U PORODICI

Godina	2012.g	2013.g	2014.g	2015.g	2016.g.	2017.g	2018.g	2019.g	2020.
Prekršaji	18	13	11	23	48	51	31	10	8
Ukupno	213								

U toku 2020.godine evidentirano je 8 prekršaja iz Zakona o zaštiti od nasilja u porodici što je za 2 prekršaja (ili 20 %) manje u odnosu na 2019.godinu, za koje su izrečene zaštitne mjere. Prekršaji su se dogodili na području općina Bos. Krupa (4), Sanski Most (3) i općine Ključ (1).

Na području Unsko-sanskog kantona prisutan je problem kod smještaja žrtava nasilja u porodici, jer postojeća „Sigurna kuća“ u Bihaću ima mali kapacitet.

U skladu sa članom 18.Pravilnika o načinu provođenja zaštitnih mjera, koje su u nadležnosti policije organizacione jedinice (policijske stanice) su nadležnim sudovima podnijeli 143 zahtjeva za izricanje zaštitnih mjera (manje za 4 ili 2,7 % u odnosu na prošlu godinu).

Još jednom je bitno za istaći i potrebu opremanja posebnih prostorija unutar Uprave policije MUP-a USK, odnosno drugih organizacionih jedinica, za rad sa žrtvama nasilja u porodici gdje se nerijetko kao žrtve pojavljuju djeca različite starosne dobi, a što je i u obavezi svih institucija koje se bave ovom problematikom u skladu sa „Zakonom o postupanju i zaštiti sa djecom i maololjetnicima u krivičnom postupku“.

### **III OCJENA STANJA**

#### **A / Osnovna ocjena**

Nasilje u porodici je oblik nasilja evidentiran i na ovom kantonu i vrši se kroz činjenje krivičnih djela, kao najtežih oblika, preko prekršaja, do incidenata koji su najlakši oblici, koji mogu asocirati na nasilje ili njegovu najavu.

Iako je najvažniji oblik djelovanja prevencija ili pak kad je nasilje niskog intenziteta, važno je istaći da se ipak policija susreće uglavnom sa posljedicama nasilja, kada je ono poprimilo teže oblike i posljedice.

Saznanja ukazuju da ima još uvijek slučajeva skrivanja nasilja zbog stida, zablude, neupućenosti, straha i osude okoline, ekonomske ovisnosti o nasilniku, želje da se pokuša sačuvati porodica, tako da se može otkriti samo proaktivnim radom ne samo policije već i drugih institucija.

Svijesnost o opasnostima od nasilja je u porastu čemu doprinose razne edukacije i sl., a posebno je važno potpisivanje Protokola postupanja nadležnih institucija u slučajevima nasilja u porodici za općine USK, gdje su utvrđene konkretne aktivnosti i postupci svih institucija. Ministarstvo unutrašnjih poslova USK primjenjuje Protokol od oktobra 2012.godine.

Prema zapažanjima policije na pojave nasilja u porodici se nerijetko negativno odražava teško ekonomsko-socijalno stanje, slabljenje funkcije braka i porodice, nezaposlanost, neizvjesna budućnost, alkoholizam i zloupotreba droga, konzervativan odgoj, shvatanja u nekim sredinama da su fizička i druga maltretiranja žena (supruga) pa i djece kao najčešćih žrtava dozvoljena i normalna pojava itd.

Na nivou Uprave policije MUP-a USK određeni su policijski službenici koji pored drugih poslova i zadataka, postupaju u oblasti nasilja u porodici kontinuirano se vrši edukacija i usavršavanje, pa se shodno tome mora istaći da su:

- Dana 27. i 28.08.2020.godine četiri policijska službenika Sektora kriminalističke policije Uprave policije MUP-a USK-a prisustvovala edukaciji za policijske službenike na temu „Podrška sigurnoj mreži“. Navedena edukacija je organizovana od strane nevladine organizacije „Žene sa Une“ Bihać i ista je održana u hotelu „Natura art“ u Bihaću. Predavanje na navedenu temu je vodila Dušanka Tatlić penzionisani psiholog.
- U vremenskom periodu od 10. do 12.12.2020.godine i u periodu od 14. do 16.12.2020.godine u organizaciji Federalnog ministarstva unutrašnjih poslova održana je on-line radionica – pokazna obuka na temu „Nasilje u porodici“ kojoj su ispred Uprave policije prisustvovala tri policijska službenika.
- Na nivou općine Sanski Most formiran je multisektorski tim na lokalnom nivou za suzbijanje i prevenciju nasilja u porodici.

U poređenju sa 2019.godinom broj slučajeva krivičnih djela nasilja u porodici smanjen je za 26 KD-a ili 15 %, dok je smanjen i broj prekršaja za 2 ili 20 %.

Nasiljem u porodici najviše su ugrožena područja Grada Cazina (35), Grada Bihaća (28), općine Velika Kladuša (27), Bosanske Krupe (17), općine Ključ (16), općine Sanski Most (12), općine Bosanskog Petrovca (7) i općine Bužim (5).

Prekršaji su se dogodili na području općina Bos. Krupa (4), Sanski Most (3) i općine Ključ (1).

Od ukupno 151 počinitelja KD-a nasilje u porodici najčešći nasilnici su muževi (110), žene (2), djeca (16) i ostali (23), a od 171 žrtve nasilja najviše ima žena (114), zatim djece (26), muževa (2) i ostalih (29).

Nasilje se obavlja i kroz druge grupe krivičnih djela i to: „Ubistvo“<sup>1</sup> (1), „Teška tjelesna povreda (13), „Lahka tjelesna povreda“ (51), „Izvanbračna zajednica sa mlađim maloljetnikom“ (10), „Zapuštanje ili zlostavljanje djeteta ili maloljetnika“ (3), „Bludne radnje“ (4), „Spolni odnošaj sa nemoćnom osobom“ (2) i „Upoznavanje djeteta sa pornografijom“ (1).

Neophodno je poboljšati uslove za rad sa žrtvama nasilja u porodici, a nedostaju i prostori za provođenje izrečenih zaštitnih mjera.

U cjelini gledano stanje nasilja u porodici na području Unsko-sanskog kantona može se ocijeniti kao **dobro**.

## **B / REZIME**

Nasilje u porodici je u raznovrsnim oblicima prisutno i na Unsko-sanskom kantonu, te njegova brojnost zahtjeva još bolju povezanost i zajedničko djelovanje institucija sa svim institucijama čiji rad mora biti sinhroniziran.

Posebno treba naglasiti:

- U 2020.godini KD-a „Nasilje u porodici“ ima smanjenje od 15 %.

<sup>1</sup> 1 -Dana 02.03.2020. godine oko 21,30 sati, u ulici Midžića mahala br.12, Grad Bihać u porodičnoj kući, lice M.B., rođena 1948. godine u Bihaću, je nakon verbalnog i fizičkog obračuna sa svojim suprugom M.H., rođen 1949. godine u Bihaću, istom upotrebom hladnog oružja – kuhinjskog noža nanijela jednu ubodnu ranu u predjelu grudi, uslijed kojih je imenovani od zadobijenih povreda preminuo na licu mjesta.

- Nasilje u porodici je najizraženije u gradovima Bihać i Cazin, a najmanje je izvršeno u općinama Bužim i Bosanski Petrovac.
- Pored krivičnih djela iz člana 222. KZ FBiH „Nasilje u porodici“, nasilje vrši se i kroz grupe krivičnih djela protiv života i tijela, protiv spolne slobode i morala i protiv braka, porodice i mladeži.
- U 2020. godini nadležnim sudovima podneseno je 143 zahtjeva za izricanje zaštitnih mjera.
- Krivično djelo nasilja u porodici najčešće vrše muževi, a najčešće žrtve su supruge (žene).
- Ohrabruje porast svijesti žrtava da nasilje prijave nadležnoj instituciji, ali je evidentna nedovoljna educiranost stanovništva u ovoj oblasti.
- Jedan dio „nasilja u porodici“ se iz raznih razloga ne prijavljuje policiji, već Centrima za socijalni rad, te je neophodan dalji proaktivni rad policije na njegovom otkrivanju.
- Neophodno je poboljšati i uslove za rad sa žrtvama nasilja kroz opremanje adekvatnih prostorija na svim općinama.
- Pored epidimioloških preporuka vezano za pandemiju korona virusa „Covid 19“, policijski službenici Uprave policije MUP-a USK sa ostalim institucijama koje se bave ovom problematikom će vršiti edukaciju kako policije tako i građana Unsko-sanskog kantona.

### **C – Prijedlog mjera**

- ❖ *Ažurirati evidencije, te nastaviti aktivnosti policije na prevenciji nasilja u porodici. Intenzivno prikupljati saznanja i o nasilju kada je niskog intenziteta, te ostvariti potpunu kontrolu nad već evidentiranim počiniocima, te sredinama sa već indiciranim nasiljem.*
- ❖ *Nastaviti jačati suradnju sa centrima za socijalni rad, pravosudnim organima i drugim institucijama, razmjenjivati podatke i usklađivati zajedničko djelovanje, u skladu sa potpisanim Protokolom iz 2012.godine.*
- ❖ *Neophodno bi bilo intenzivirati edukacije kako policije, tako i socijalnih radnika, zdravstvenih radnika, uposlenika u obrazovanju, u pravosudnim organima i sl. kako bi se postigao viši stepen efikasnosti i koordinacije. Naročito je poželjno organizirati zajedničke edukacije.*
- ❖ *Podatke o pojavama nasilja u porodici i aktivnostima policije prezentirati kroz oblike rada policije u zajednici, vodeći računa o zaštiti integriteta žrtve i onemogućavanju nastavka nasilja.*
- ❖ *Nastaviti sa daljim edukacijama i specijalizacijom policijskih službenika za ovaj složen oblik nasilja uključujući što veći broj policijskih službenika.*
- ❖ *U narednom periodu intenzivnije raditi na primjeni Zakona o zaštiti od nasilja u porodici, kao i dosljednoj primjeni Pravilnika o načinu provođenja zaštitnih mjera.*
- ❖ *Nastaviti aktivnosti na poboljšanju uslova za rad u oblasti nasilja u porodici i adekvatnom opremanju policije.*

Obrađivač: Nafka Keserović

POLICIJSKI KOMESAR  
Generalni inspektor policije

Mujo Koričić

502. Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560  
Web: [www.mupusk.gov.ba](http://www.mupusk.gov.ba), e-mail: [mupusk@mupusk.gov.ba](mailto:mupusk@mupusk.gov.ba), [info@mupusk.gov.ba](mailto:info@mupusk.gov.ba)

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona”, broj: 9/17), na prijedlog Ministarstva unutrašnjih poslova, Skupština Unsko-sanskog kantona na sjednici održanoj dana \_\_\_\_\_ 2021.godine, donosi:

## ZAKLJUČAK

### I

Prima se na znanje Informacija o stanju nasilja u porodici na području USK-a, za 2020.godinu.

### II

Ovaj Zaključak stupa na snagu danom donošenja.

Broj: \_\_\_\_\_  
Dana: \_\_\_\_\_ 2021.godine

Zamjenik predsjedavajućeg  
Skupštine Unsko-sanskog kantona

Razim Halkić